

昭德美天曆二年四月日翰林侍講學士通奉
大夫知制誥同脩圖史兼經筵官曹元用撰孔
顏孟三氏子孫教授張恒書篆嘉議大夫襲封
衍聖公孔思晦立石

元順帝勅加封啓聖王碑

維至正八年四月上在興聖宮御宣文閣中書
右丞相臣及朶兒只等入奏曰孔子父叔梁紇加
封啓聖王未有刊述昭示久遠謂以中書左丞
相臣呂思誠為文出中統鈔五千貫下襲封府

具攻石之用制若曰可臣思誠承命惶悚大恐
弗任乃拜手颺言曰惟我國家崇重聖德宣昭
聖道與王化合并太祖皇帝肇基洪業以太宗
皇帝在潛行釋奠禮祀孔子於日月山世祖龍
飛車書混一自上大都及天下郡邑立廟學
曲阜林廟尤加脩崇於是定襲封之嗣餘孔氏
一人尹曲阜縣息至渥也成宗皇帝廟於國子
監武宗皇帝加謚大成於至聖文宣王上仁宗
皇帝詔立碑天曆初制加封啓聖王顏氏曰啓

聖王夫人曠典也今襲封衍聖公克堅既也
中奉大夫階二品兼印草用銀為啓聖王碑得
請聖眷隆喜身以報稱臣謹按春秋公羊氏穀
梁氏依經書孔子生左氏隨經書孔子卒史記
作穀本紀帝嚳妃簡狄生契十三遷而至天乙
始有天下是為成湯書初天者原其初也微子開
國亦曰帝乙之長子明其本也孔子世家曰其
先宋人曰防叔生伯夏言有承也又書經以下
直至漢時復列傳諸弟子七十三人宋儒邵雍

曰天子以四海為家孔子以萬世為家殆以是
夫惟文公朱熹刑定世家序論語前曰魯襄公
二十二年冬十一月庚子父叔梁紇母顏氏生
孔子於魯昌平鄉陬邑又曰孔子生鯉字伯魚
鯉生伋字子思作中庸厥有旨哉夫惟玄鳥之
降玉筐之覆金行啓運斗光垂精為五百年之
昌期千萬世之嘉會者寔由天生顏淵曰仰之
彌高鑽之彌堅瞻之在前忽焉在後子貢曰立
之斯立道之斯行綏之斯安不動之斯和其生也

榮其死也哀子思曰仲尼祖述堯舜憲章文武
上律天時下襲水土孟軻曰自生民以來未有
盛於孔子者也賢於堯舜遠矣太史公曰自天
子王侯言六藝者折中於夫子可謂至聖矣揚
雄曰天之道不在仲尼乎王文中子曰大哉乎
君君臣臣父父子子兄兄弟弟夫夫婦婦夫子
之力也其與太極合德神道並行乎韓愈曰社
稷以功夫子以德程子謂賢於堯舜者以事功
蓋金声玉振集群聖之大成寔由天縱若夫尼

山請禱精誠昭揭而其表相殊異曰似堯曰似湯曰似禹曰似子產曰河目海口黃帝之形貌也曰脩肱而龜背成湯之容體也惟此身體髮膚之所從毓霧誕聖之所自不在茲乎漢時聖舅顏氏居魯親里聖妃元官氏居安樂里復其繇發宋時有齊國公之封又有魯國太夫人鄆國夫人之號其爵邑又豈不自知子者今茲峻其徽章名與情稱百世不能改也於戲盛哉伏惟聖人人倫之至也繫周易刪詩書定禮樂垂

憲萬世師表百王者蔑有加矣讀於春秋曰志在焉孝經曰行在焉春秋天子之事也三綱九法望於周也故曰如有用我者吾其為東周乎孝經開五孝之用自天子至於庶人各有終始其曰志德要道其曰天經地義其尊親之心顯親之念曾子所謂一貫孟子所謂一本也不然是謂悖德悖禮矣洪惟今上皇帝接太祖皇帝世祖皇帝之聖緒嗣守列聖以來之成規聖治之敷孝治之洽所謂通于神明光于四海者於

春秋經有嘉焉碑之闕里光昭休烈於無窮若
江漢之濯秋陽之暴皞皞乎不可尚也臣思誠
頓首誠惶誠恐復獻頌曰於鑠皇元赫赫明明
翕闢乾坤資始資生太祖肇基風霆流形世祖
混一覆載生成列聖嗣服時靡爭今上繼緒品
式法程聖治丕顯孝治丕平嘉崇孔子綽典鴻
名尼山有禱斗光垂精表相之異至道之凝曰
惟天縱玉振金聲孰與道生本立枝承王爵之
崇啓聖之榮義符於情名與寔正五父之殯緩

乎其行防墓之崩泣然涕零志在春秋行在孝
經愛親敬長春秋權衡尊親顯親五孝重輕今
茲有茲誕聖毓孺子孫有衍是祿是膺尼山崢
嶸泗水不盈蔚彼孔林卓彼魯庭有皇斯碑光
昭日星同我夫子無忝所生闡我皇風四悔永
清至正十四年夏四月七日襲封衍聖公臣堅
同曲阜縣尹孔克欽立石
大元勅賜曲阜孔廟田宅之記

元統元年十二月二十五日御史中丞臣亦憐

真班臣祖常治書侍讀臣普化言於上曰臣等
及御史大夫臣脫別台臣唐其勢議江南行臺
按問江西倉庫任忙古台以墨坐沒入其私田
八頃八十九畝屋二十有七間家口若干人在
鄆境者實遺由孔子林廟方今天子師法
孔子設經筵常備行我御史臺以宣化為
職事顧孔廟歲入稅前代猶儉來者其師生
既虞時或不給請以今沒入產俾孔廟封世
業之其家奴俾籍於有司居所沒入居田所沒

入田世服役孔氏為洒掃而輸其租制可明日
臣唐其勢又自帥其同列臣亦憐真班臣祖常
臣普化等導意於內侍臣禿滿迭爾以啓皇太
后于宮中出喻旨曰善一如皇帝制行之於是
所司以產歸孔氏明年孔氏具牘來屬玄文諸
石仲惟皇元初得宋金郡邑校官田產無筭悉
以共其祭祀食其師生繕脩其廟學其校官無
田則以縣官緡錢充其用無禁有司不奉命則
御史部使者察之其為尊崇孔聖之道非獨今

日蓋嘗考之郢人書社七百里之事有無不必
知尼谿之田齊遂以封一變而止魯執此於世
道有闕聖人無與也今上富於春秋政事參決
東朝居今之臣能言附益孔氏者皆引君當道
之事也臺臣首陳經筵次表儒術豈有他哉兩
宮俞音聖志一揆兆是行矣漢初六經甫脫嬴
難高祖過魯之祀天下駸駸然望斯文之治史
乃稱文景不右儒術以竇后故咎豈在是哉漢
締東陽侯之屬有一人者如金臺臣謀豈必金

石絲竹之音作而後不壞孔子宅以書選孔氏
邪漢之諸臣功烈卑矣玄故著老使來者知臺
臣之意在是是議也侍御史臣桑列撰治書侍
御史臣彛咸攸成之奏之日經歷臣禿滿辦事
臣張臣李實從元統二年月日中順大夫會太
常禮儀院事臣歐陽玄拜手稽首記
大元皇太后祠曾宣聖廟碑

贊天開聖仁壽徽懿宣昭皇太后顯受徽號之
明年元統己亥春正月二十一日甲辰諭旨

善大夫將作院使監怯憐口都總管府臣賽罕
解崇祿大夫同知徽政院事兼侍正臣趙世燾
香齋白金乘遽之曲阜林廟奠謁行禮且賜幣
帛于當襲封者將以二月二十有七日起于大
成至聖文宣王臣世安語臣起巖曰茲昭代威
事也不可不紀臣起巖伏惟皇元奄有方夏列
聖相承稽古尚文推崇先聖發明正學國郡
邑以及要荒咸設校官人文化成萬方承風文
宗聖明元孝皇帝繕脩廟宇加襲封衍聖公秩

賜三品印天下翕然知嚮方矣皇太后仁明文
懿追惟魯東公聖迹故在皇朝撫運于今百年
禮樂制作文以世隆將興堯舜文武之道則夫
祖述憲章可不推本而自也哉是以特命蓋臣
專脩祀事是舉也於世教風勵甚大矧曲阜魯
邸屬邑魯為天宗世戚皇太后而自出章明崇
奉睿意固有在矣天子開設經筵緝熙講學
期於學校人材之成立也形之明詔諭于多方
蓋周詳矣孔氏顏孟氏諸孫暨守土臣及夫四

方之來學者其亦精思聖天子皇太后尊崇聖道澤及來裔優渥如此其所以稱副宜如何哉臣起巖幸在翰林鋪張揚厲職也敢稽首而獻頌曰於昭太母仁慈文明廓其遠猷措世治平迎睭曲阜先聖所宅格言炳如百玉是則矧在文皇靈宇聿新紀事肇稱及此仲春爰命蓋臣乘駟遙往神之格思曰惟誠享皇元有國化洽俗熙文治蝟興茲惟其時士民林林惟上視儆天家尚文有勵風教金匱內帑香出尚方爰及

嗣人賜衣煌煌展祀禮庭無或不肅陟降俯興魯邦所矚凡百在位拭目動心鼓舞詠歌載揚徽音徽音孔昭琢頌示勸文運益昌聖壽時萬元統三年歲次乙亥二月日宣聖五十五代孫大宗子孔克堅立石翰林侍講學士中奉大夫知制誥同脩國史同知經筵事張起巖撰翰林直學士亞中大夫知制誥同脩國史歐陽玄書承德郎太常博士趙期頤篆額

代祀闕里孔子廟碑

聖天子嗣登大寶當至元乙亥之初命翰林臣
思誠奉祝文函香詣曲阜以大牢代祀孔子廟
從集賢請遵舊典也思誠命以閏十二月壬辰
抵兗州預敕有司蠲日先事丁未濟寧路守土
臣張仲仁兗州判劉彬暨曲阜縣尹宣聖五卅
代孫克欽孔_初三氏子孫教授趙惟賢率聖
族清道肅儀朝_所郊御曾諸生儒服前導齊於
祀所翼日寅明_俗行祀事思誠若仲仁若彬咸
服法服攝三_版官克欽若惟賢等咸服朝服司

分奠諸生駿奔走各虔乃職_一脯酒洌禮備樂
籥祝史致詞洋洋乎神明之_如而歆也竣事之
旦大章神餽于燕中堂聖族陪位與祭者咸在
少長_盛坐迭起行酒其叙秩如胞_釋均_肅亦既
醉飽其樂衍如燕_畢仲仁等請曰代祀有記所
以紀昭代之盛典不可闕也_如竊惟自漢以來崇
奉先聖至我朝而極盛加號_六成改封聖考為
啓聖王聖妣若聖妻並為王_{大人}遣使奉送制
命于闕里祭以太牢其禮隆矣太皇太_后亦遣

使奉齋幣致祭並刻諸石矧茲盛禮可無紀乎
思誠謹述其事之本末系以詩其詩曰有聖皇
元奄有萬方列聖相承文教誕揚皇明嗣服繼
叙不忘眷言曲阜素王之鄉爰命詞臣冊祝函
彌載臨闕呈爛其煌煌燭辰薦事惟言惟良牲
牢肥脂黍稷芬芳禮備樂蘇神人悅康於赫尼
父軌範百王允迪允剝宗社隆昌或美或背九
有以亡穆穆天子茲率厥常盛禮斯舉敬誠是
將既欽既敷惠澤其滂夫詩頌美僮載休光翰

林脩撰承直郎同知制誥兼國史院編脩官臣
王思誠文徵事郎翰林國史院編脩官臣周伯
琦書翰林脩撰文林郎同知制誥兼國史院編
脩官臣信思誠篆額大元至元元年歲次乙亥
閏月日從事郎濟寧路曲阜縣尹權奉祀事孔
克欽立石

御賜尚醞釋奠記

至元五年後巳卯正月皇帝田于柳林以上丁
在通允御史臺奏曰宣聖五十四代孫監察御

史臣思立出上尊酒釋奠于闕里遣御史從事
臣高元肅駟致之禮竟曲阜縣尹權祀事臣孔
克欽言于宗黨曰茲誠希有之盛典不識諸石
罔以昭後于是其宗人前湖廣行中書省都事
臣思迪等屬臣宜記之宜延祐初科進士且嘗
助教國子掄揚聖德職也遂不敢辭而諾之曰
吾夫子在魯哀公雖誅之而未極其尊漢高帝
非祀未盡其禮後代褒崇封爵之未悉其道詎
之而若皇元累頒明詔既於至聖之宣王上加封以

以大成復於二丁永享以太牢重以香帛白金
之錫美惠再三寅奉尊隆禮意淵博邁越古昔
遠矣今憲臺擴弘禋典霑光祿之天釀以備祖
庭禋酌豈惟孔氏子孫有光實天下儒脈之士
舉有光也迺拜手稽首樂為之書朝散大夫濟
南路棣州尹蕪管本州諸軍奧魯勸農事臣梁
宜謹記嘉議大夫益都路總管東野潛書奉訓
大夫社稷署令蔡思中篆宣聖五十五代孫從
仕郎濟寧路曲阜縣尹蕪管本縣諸軍奧魯勸

農事權奉祀事孔克欽立石

大元祀曲阜宣聖廟記

至元五年三月監察御史言曲阜縣宣聖廟繕
完訖功國家宜錫楮幣樹碑石勅儒臣製文辭
紀欽崇之蹟於久遠具疏以聞制可賜中統二
萬五千緡為立碑之資七月又言宣聖五十四
代孫思立令任監察御史請特賜香酒翰林撰
祝文命思立馳驛致祭以成其事斯文幸甚時
天子北幸上京移文分臺章奏復可其請遂署

檄下山東道以曲阜為廉訪司所按臨分司所
述歷居則摠督至則共祭度體敬共之意八月
二十三日思立行祭禮山東廉訪副使伯嘉聞
亟之同知濟寧路事衆家帑終之猗歟休哉實
熙朝之盛典也惟吾夫子以天縱之聖出神明
之胄雖不位乎君師脩道立教如天地日月然
詔後世而垂無窮者大矣或以謂則康乾坤為
漢制作不亦陋乎况鄉邑其所生子孫其所承
敬慕之者宜何如哉我國家將以振厲風教扶

植網常立人道之極表文治之盛孰不親感于
茲謹識其事如石俾來者有徵至元右己卯歲
八月二十七日甲議大夫御史臺都事太原王
守誠拜手記正奉大夫侍御史齊張起巖書丹
并篆額宣聖五十五代孫從仕郎曲阜縣尹兼
管本縣諸軍奧魯勸農事孔克欽立石

大元釋奠宣聖廟記

皇帝摠宏綱新文治任賢使能發政施仁率繇
成憲迺至元六年青龍庚辰夏五月幸上都百

官分畧以從七月庚申太師中書右丞相監備
國史知經筵事臣馬扎兒忒中書平章政事知
經筵事臣李壽孫臣汪家奴臣沙蠟班中書參知
政事知經筵事臣阿魯魯中書省事兼經筵
參贊官臣字維臣何廷蘭中書左司員外郎兼
經筵參贊官臣悟良哈台左司都事兼經筵參贊
官亦魯子臣孔思立右司都事兼經筵參贊官亦
子寺奏言曲阜林廟宣聖所生之地非他廟學
比今議遣翰林脩撰臣周伯琦馳驛奉香酒釋

真仲秋上丁甚稱崇報之意臣等謹以開制可
越四日癸亥上御龍光殿太府進香上手致敬
太官出上尊四伯琦欽承以行八月乙酉至曲
阜縣明日奉香酒至宣聖廟又明日丁亥祀用
大宰奏大成樂行三獻禮伯琦初獻同知濟寧
事兼家奴亞獻兗州知州馬從義終獻皆冠進
賢冠被法服時宣聖五十五代孫曲阜縣尹克
欽主祀事適稔亢旱省牲之夕陰雲四合甘澤
沛若將事之晨天氣清朗月星明踰俎登豆列

禮備樂和祝官致告執事具虔薦裸興顛悉守
儀式竣事合孔顏孟三氏宗族師弟子負暨郡
邑官僚燕于東室咸北向載拜序飲上尊酒盡
歡而罷竊惟吾夫子之道悠久無疆與天地同
大日月並明故覆載無所不至照臨無所不及
雖生不逢辰用不得位然明六藝作春秋以傳
道統以達人極使彝倫序品物享政教明千萬
世如一日者蓋自生民以來未有能尚之者矣
是故有國有家者必以建學立師為先大用其

道則大治小用其道則小康具在方策繁然可
考惟闢里為聖人鄉國光熒之靈冲和攸萃廟
貌林墓在焉宗姓支裔守區歷代報德報功之
慎且重也宜矣皇元自受命以來廣黌舍重教
育世封其大宗為衍聖公以奉祀事世任其小
宗為曲阜縣尹以治其地畧其守廟戶復其家世
祖成宗重朔宮廟武宗加號大成仁廟以來即
位必遣使祭告厚有賜頒今上皇帝踐祚八年
之中始命文遣使以即位告又命五十四代孫監

察御史思立致祭以樹碑告且頒中統鈔二萬
五千貫為樹碑之貲而去年春及今年秋又兩
致香酒釋奠上丁其欽崇美報之典於斯為盛
洙泗之間歲承天寵薄海內外咸知所向夫子
之道將文用於今日聖君賢相都俞吁咷登三
遠五黎民於變時雍顧不狂茲乎猗歎隆哉伯
琦弱冠嘗侍先君謁拜廿有三年矣乃今獲奉
德音誕舉盛典何幸如之謹志其歲月以刻諸
廟門之石明日戊子翰林脩撰承務郎同知制

三氏志卷之四
五十九
誥兼國史院編脩官鄱陽周伯琦拜手記并書
篆濟寧州知州蔡思中曲阜縣達魯花赤八戶
樞主簿宗本孔頴孟三氏子孫教授蔡祐學正
劉琳學錄李明德陪位至元六年歲在庚辰八
月望日從仕郎濟寧路曲阜縣尹兼本縣諸軍
與魯勸農事孔克欽立

皇帝致奠曲阜孔子廟碑有序

有元至正二年十月壬戌皇帝御咸寧殿勅中
書且盍鄉朋酒命集賢直學士臣郭孝基乘駟

致奠于曲阜先聖大成至聖文宣王之廟中書
助祭元寶二千五百緡嗣衍聖公臣克堅爰擇
十二月丁巳之吉釋奠如章禮成臣孝基等拜
手指首謹言皇帝欽崇聖教建宣文之間崇文
之監日御經筵講德唐虞辨章三代且軋軋遜
志時敏式惟先聖孔子昭垂六籍丕覺萬世惟
聖知聖是用啓自天衷特致殊禮希世感德其
可泯而弗宣刻之金石光示永久禮寔宜之臣
孝基聞聖人之道執一常御萬變君君臣臣父

父子子大綱一正萬目畢舉故曰王者中心誠
以守至正人心服於下天理應於上樹之風聲
東以禮義不動声色靡然於變協風時雨諸福
之物罔不畢至漢祖致祀天下歸心唐宋升祀
永錫胤祚用此道也皇帝天縱玄德加以聖學
垂衣論道天下泰寧心悅神孚獨得淵衷有非
臣下所能窺測者小臣載筆敬用作銘銘曰皇
帝若曰惟天惟聖揭乾之明握坤以正惟禮惟
樂惟刑惟政文以經緯武以戡定立我邦家功

斯為威皇帝若曰宣文在中乃儲鉅華乃流澤
宮者序有序八表攸同巍巍素王邁豆鼓鐘於
論曲阜曷不加隆皇帝若曰有典有則春秋
丁庚子之吉四享廢家常祀不忒誕昭于敷致
真惟特子藹予酒于聖之宅皇帝若曰予嗣繼
惴惴小心如臨于谷若君若臣臣惟聖子福于時
翼翼最忘嘉告聖經是式我祀匪黷皇帝若曰
予聖時欽惟法臣鄰惟法士林汝子汝孫士庶
時忱服聖之言精白爾心勸相予家爾玉爾金

至正二年十二月日集賢直學士中奉大夫臣
郭壽基提舉仕佐郎翰林國史院編脩官臣陳
樞曾書會善大夫江南諸道行御史中丞臣王
士熙表

代祀記

至正八年秋七月廿日上御濠京之水晶殿右
丞相臣孫思立左丞相臣太平平章臣教化奉
政臣孔思立奏宜遣宣文閣授經郎臣董立以
香酒乾羊致祭于曲阜孔子廟制曰可乃羊香

加額數敬火之以授思立出宣旨命臣立消日
而行爰以廿八日發程次月二十二日至止關
聖廿三日展敬林墓二十四日具儀二十五日
臣立為初獻衍聖公孔克堅為亞獻守臣濟寧
路撫管呂魯為終獻知兗州臣劉思誠等備分
奠丑初將事寅末而畢遂會孔氏族於饗于
齋宮與坐者五十餘人衣履咸備柳柳濟濟足
以感懌人心禮成衍聖公言使若奉天子明命
禮于先聖宜有紀以示後世立伏惟夫子之道

高明博厚與天地偕世之三綱正而九德叙皆
其功德之福斯民也凡有天下國家者不容後
其報我朝列聖相承右文興化尊崇久子度越
前代殊恩優典固已載于信史壽之金石迨于
皇上二行仁義以為民極日御經筵繼熙聖學
宰相文臣又能啓沃以斯道之正其贊命遣使
夫豈徒然蓋亦答神之貺祈神之祐庶世運于
唐虞三代之隆也然則凡為孔氏之後與夫與
祭孰廟者可不體奉聖君賢相之美意以沐
浴聖化哉臣立敢拜手稽首以是文諸石至正
八年八月二十九日宣聖五十五代孫曲阜縣
尹臣孔克欽立石

大元中書平章知院中丞祀宣聖廟記

至正二十有一年皇帝念齊魯未平特命中書
平章政事知河南山東等處行樞密院事兼陝
西諸道行御史臺御史中丞察罕帖木爾往平
之公祗服明命大會諸將于洛陽蒐軍實閱武
備發秦晉河洛兵渡盟津踰太行出井陘口旌

旗千里鼓行東下粵六月辛卯躬帥鐵騎建大
將旗鼓以進七月至冠州河西降次東昌揚誠
以金城獻八月渡鹽河分遣裨將帥偏師搗東
平與東平賊遇河東兩戰大破之伏尸四十里
斬首式萬級直造城下渠寇田豐降傳檄郡邑
不旬日悉定魯地公曰東魯為禮義弦誦鄉闕
里宣聖廟所在由兵興堙荆棘民魑魅族人士
大夫逃難解散四方祀典廢馳將數年今境土
廓清宜嚴脩祀事以示斯民勸遂卜剛辰遣祭

事尹師考奉太牢旨酒祀聖人於曲阜闕里使
者持命詣殿庭設俎豆簋豆具三獻禮一如舊
式里中父老扶杖圍門墻而觀者如擲咸舉手
加額曰不圖今日復見聖朝威儀皆感泣數行
下使者歸復命公喜曰吾幼而敦詩書說禮樂
長而行所知遠所聞至于今日奉天子詔提王
者師極生民命斯聖人之教也其脩祀典固宜
於是蘭陽孫翥為之記賜同進士朝列大夫中
書刑部尚書孫翥擢賜同進士中奉大夫河南

江北寺處行中書參知政事完括書榮祿大夫
集賢院大學士閻思孝纂至元二十一年十月
日立石

代祀闕里記

皇上即位之三十二年秋七月命皇太子撫軍
冀寧以少保中書平章擴廓帖木爾總諸軍熙
庶務依前便宜行事威懷遠洽夷夏晏寧明年
二月以皇太子旨遣官特祭先聖闕里中書檄
濟寧省預卜純薦牛一羊二豕二越六日青宮

手祝僉鄉父之授元禮出洧日而行以二十四
日至魯城祀前一日省牲噐視滌濯翼日癸丑
丑初肅事于廟禮備二獻牲脂酒泐登降有數
明竣事以神餼享孔氏族人于燕申堂衍聖
公謂禮有可徵者祭祀之謂也宜具歲月于石
元禮謹惟聖人之道與天地並行有天下國家
者所當崇重春秋脩事祖庭累朝之盛舉也今
我儲皇仁孝之誠昭假上下雖金輅行在六師
駐嚴而脩明典禮不廢俎豆之事其尊崇聖教

增輝昭代示人心以為治之本宏規遠畧倚數
盛哉是可書也若曰底定我家仲祈鴻休基圖
永命祚于無窮神之相之厥惟傾矣是重可書
也拜手稽首謹為之記至正二十五年二月日
承德郎樞密院經歷賜進士及第魏元禮撰林
廟學士林儀書并題額守禦濟寧江淮行樞密
知院陳秉直同宣聖五十六代孫襲封衍聖公
孔希學立石

御製孔子廟碑

道原於天而畀於聖人聖人者繼天立極而統
承乎斯道者也若伏羲神農黃帝堯舜禹湯文
武周公聖聖相承一道而已周公沒又五百餘
年而生孔子所以繼往聖開來學其功賢於堯
舜故曰自生民以來未有盛於孔子者也夫四
時流行化生萬物而高下散殊咸遂其性天之
道也孔子參天地贊化育明王道正彝倫使君
君臣臣父父子子夫夫婦婦各得以盡其分與
天道誠無間焉爾故其徒曰夫子之不可及也

猶天之不可階而升也又曰仲尼日月也無得而踰焉在當時之論如此亘萬世無敢有異辭焉於乎此孔子之道所以為盛也天下後世之蒙其澤者寔與天地同其攸久矣自孔子沒於今千八百餘年其間道之隆替與時陟降遇大有為之君克表章之則其政治有足稱者若漢唐宋致治之君可見已朕

皇考太祖高皇帝天命聖智為天下君武功告成即興文教大明孔子之道自京師以達天下共建

廟學編賜經籍作養士類儀文之備超乎往昔封孔氏之子孫世襲衍聖公秩視二品世擇一人為曲阜令立學宮以教孔顏孟三氏子孫常率太學釋奠孔子竭其嚴敬尊崇孔子之道未有如此之盛者也朕繼承大統正法成憲尚惟孔子之道

皇考之所以表章之者如此其可忽乎乃曲阜關里在焉道統之系實由於茲而廟宇歷久漸見墮突弗禱瞻仰徃命有司撤其舊而新之今年夏

畢工宏邃壯觀庶稱朕敬仰之意俾凡觀於斯者有所興起致力於聖賢之學敦其本而去其未將見天下之士皆有可用之材以贊夫太平悠久之治以震耀孔子之道朕於是深有所望焉遂書勒碑樹之于廟并系以詩曰

巍巍玄聖

古今之師

垂世立言

生民是資

天將木鐸

以教是界

謂欲無言

示之者至

惟天為高

惟道與參

惟地為厚

惟德與含

生民以來

實日未有

出類拔萃

難乎先後

示則不遠

日月攸趨

敦叙有彝

遵于聖模

仰惟

皇考聖道寔崇

禮樂治平

身底厥功

曰予祗述

詎敢或懈

聖緒丕承

儀憲永賴

巖巖泰山

魯邦所瞻

新廟奕奕

飭祀有嚴

鼓鍾鏗鏗

琴瑟夏擊

八音相宣

聖情怡懌

作我士類

世有才賢

左我大明

於斯萬年

永樂十五年九月十九日

御祭香帛碑

皇帝即位改元景泰正月上日朝臨群臣越十日丙戌大祀天地于南郊既慶成命有司擇吉遣官行祀天下有司以閏望庚申聞先期

上御宿齋宮親書祝冊昧爽

上服通天冠被絳龍袍文武百官朝服侍班傳制命官以香帛致綵輿中鼓樂道引出承天門外